

پازار ایرتسی فی ۲۸ ربیع الآخر سنه ۱۳۲۸ و فی ۲۶ نیسان سنه ۱۳۲۶

جمعیت اسلامیہ نیک ناشر افکاریدر

مدیر مسئول :
مکتب نواب معلملرندن
کلیسی منیر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

ادبیات	بجاء واحکام عدلیہ منہ روا ۱ کوچوک حمدی
بابادیہ ر ع عاطف	کورولان مؤاخذہ بی مدافعہ ۱
نوی غرام طاهر المولوی	محاکم شرعیہ وحکام شرع قانونی لایحہ سی
عالم اسلام	اسلامدہ علوم وفنون ع عاطف
چین مسلمانلری عبدالاحد داود	استبداد ، مال حسین حازم



نسخہ سی ۱ غروشددر

آبونه اجرتی (پوستہ اجرتیلہ برابردر)

ممالک اجنبیہ ایچون :
۶۰ ، ۲۰ فرانق
۳۰ ، ۶۰

استانبول ورلایات ایچون :
بر سنه لکی ۶۰ غروش
اثنی آیلنی ۳۰ »

درج اولنیمان اوراق اعاده ایدلمز

قارئلمنزه

اکثر مقالاته آیات کریمه واحادیث نبویه درج ایدلمش بولندینی نظر اعتبارده آلهرق رعایتسزلکده بولنلماہسی رجا اولنور .

درسعارت

محمد بک مطبعه سنده طبع اولنشددر



پازار ایرتسی کونلری نشر اولور دینی ، ادبی ، سیاسی وفنی هفتنه لق غزته در .

مجله احکام عدلیه مزه روا کوریلان

مؤاخذه بی مدافعه

مابعد

موسیو ماندلستام جنابلیرنک اعتراضاتندن بریسی ده
مجله نك (۱۹۷ ، ۲۰۰ ، ۲۰۵ ، ۲۳۷ ، ۲۳۸)
مدخلیرینه عائددر . لیکن بو مادهلرک قواعد اساسیه
حقوقیه نقطه نظرندن ماهیت اصلیهلرینه دائر بر اعتراض
سرد ایدلیور . یالکیز مواد مذکوردهنک ایجابات
عمومییه سی طولایسیله ارضک و حیوانانک محصولاتی
قبل الادراک بیع ایتک جائز اوله مدیغنه یعنی مواد
مذکوردهنک نتائجنندن برینه اعتراض ایدلیور .

شمدی برکرده مواد مذکوردهنک موقع حقوقیلرینی .
ثانیا نتیجه معترض بهانک شایان قبول اولوب اولمدیغنی
تدقیق ایدلم .

مواد مذکورده شونادرر :

(۱۹۷ میبعک موجود اولسی لازمدر) (۲۰۰)

میبع مشترینک معلومی اولمق لازمدر) (۲۰۵) معدومک
بیعی باطلدر . مثلاً بر اغاجک هیچ بلورمه مش اولان
میودسنی صائمق باطلدر) (۲۳۷ حین بیعده تسمیه ثمن
لازمدر بناءعلیه میبعک بیاسی ذکر اولتماز ایسه بیع
قاسد اولور) (۲۳۸ ثمنک معلوم اولسی لازمدر .)
کوریلورکه مواد مذکورده ایکی اساسه راجع
اولور :

بریسی بیعده میبع دنیان شئیک موجود ومعلوم
اولوب معدوم اولماسی ایکنجیسی ثمنک معلوم بولنمیدر .
بیعه عائد قواعد حقوقیه ده عجبا شو ایکی اساس
قبول ایدلایمیدر ایدلایمیدر ؟ سؤالنه ویریله جک
جواب مسئله مزی حل ایتش اوله جقدر .

هرکسک بیلدیکی وهر قنون مدنیک قبول ایتدیکی
برشی وارسه اوده عقد بیعک میبع ایله ثمنی مبادله
راجع بر قول ویاخود فعل اولمسندن عبارت اولدیغنی
جهتله عقد بیعک رکنی اولمق اوزره میبع و ثمن دنیان

طوغری به ثابت اولمقله برابر حالا یعنی اثنای تقدرد معدوم اولان بر شینک ماضی ده ویا استقبالده موجود اوله بیلیمسی نقطه نظرندن پاپله جق بیع شایان ملاحظه اولمق لازم کلیر .

مثلاً ماضی ده موجود ایکن اخیراً معدوم اولان بر مالی موجودیتی زماننده کی مالی اعتباریه بیع و شرا ایتک بعض احوالده تجویز اولنه بیلیمشدر . بوراده هم موجودیت وهم معدومیت ایکسی ده محققدر . کتب فقهیهده بیع بالاستتجرار نامی ویریلن وهر کون بقالاردن عطارلردن المقده اولدیغمز اشیا به دائر بولنان بو بیع جائزدر . الی آی اول بقالدن آلوب استهلاک ایتدیگمز مالک بازارغنی بو کون یایوب پاردسنی ویریورز و بوکون معدوم بولنان برشی صاتون آلمش اولیورز .

فقط بیع او معدومک ماضی ده کی وجود محقق زماننده مضاف اولدیغچون بوکا بیع معدوم اطلاقی یک طوغری اوله ماز .

مع مافیه بوکی بیعار امر واقع حالنده خصوصات عادیهده جریان ایتمکله برابر اساساً یک مقبول اولیوب مضرت اقتصادیه سیده بدیهی بولندیغندن اموال عظیمهده بوبیع جریاننی بر قانون مدینک منع ایلمسی البته موافق اولور .

بوکون معدوم اولان بر شینک بالاخره استقبالده کی موجودیتی اعتباریه بیع ایدیلوب ایدیه مامسی جهته کلنجه — که ماندلس — تام جنابلرینک ارض و حیواناتک محصولاتی بیع ایتک ایسته ملری بوقیلدندر — بوخصوص قوانین مدنیدهده بیع معدوم نامی آلتنده موضوع بحث اولمغه سزاوارددر .

بوکون یوق اولان بر شینک بر آی ویا بر سنه صکره موجود اوله بیلیمسی نظر اعتباره آاندقده کوریلیر که بوندهده بر موجودیت و بر معدومیت حالی وارددر . معدومیت حالی نظر اعتباره آلیرسه معدوم مطابق کی

کین شینک لزومی بدیهی بولدیغی کی مبیعک رکنیتی ده صریح اولدیغی ده وارسته اشتباهدر .

شو حالده بر بیعه موجود و معتبر دیه بیامک ایچون موضوع ورکنارینک موجود و معتبر و بورکنلر اوزرنده حکم بیعک قابل تطبیق بولنسی لزومی هانکی عقل و منطق انکار ایده بیلیر .

اگر مبیع ایله ثمن ایکسی بردن معدوم اوله جق اولورسه ایکی یوقدن بر وار میدانه کتیرمک و صوکره اویوقلر اوزرنده بر اثر موجود کوزتمک عجبا ارزوی مجردله دکل قوت بشریه نک هیئت مجموعه سیله حین امکانه کله جک شیمیدر

مبیع ایله ثمندن برینسک معدوم بولدیغی صورتده ایسه ینه عین حال جاریدر . چونکه بر واریله بریوقک هیئت مجموعه سی برشی موجود اوله ماقله برابر واریله یوق آره سنده تصور اولنان مبادلنک دخی اساسی اوله میه جغندن بو صورتده معامله بر طرفک تبرعندن عبارت قاله جغندهده اشتباه ایدیه مز .

بناءً علیه بدیهیات قبیلندن اولان شو مقدمات ایله بشقه ادله ایرادینه حاجت قالمق سزین اکلا شیلیور که معدوم اوزره وارد اولان عقدی واضع قانونک بر اعتبار مجردیله موجود فرض ایتک علم حقوقی کیفیات نفسانیه اوزره مراتب و محیل بر ساسله شعریه تلقی ایله مکله قابل اوله بیلیر .

اوت مقالات بشریه نک موجودات اوزرنده کی روابط و مناسبات معنویه اجرای تأثیر ایدیه بیلجکی شبهه دن آزادهدر . فقط اقوال بشریه ایله نفس موجودات و معدوماتک ماهیتلرینی تبدیل ایتک محالدر . بومکن اولسه ایدی انسانلر لافدن نلر میدانه کتیر لرلردی قواعد فقهیه مزده اعیانده اسقاط جاری اولمز مسئله سی بو حقیقتدن منبئدر . دیمک اولیور که بیعهده مبیع و ثمنک موجودیتی لزومی انکار اولنه میه جق حقائقدندر شو قدر که بو مطالعات معدوم مطابق حقنده طوغریدن

بیعی جائز اولماق و موجودیت حالی نظر اعتباره
آنلیرسه بیع بالاستجرارده کی کبی بیعی تجویز ایدلک
مناسب اوله جنی وارد خاطر اولور .

شو حالده طرفیندن بری ترجیح ایدلک ایچون
بر سبب آردمش اولساق بوراده بیع مستقبلده کی
موجودیت اوزرینه اوله جنی نظر اعتباره آلهرق وجود
طرفنی ترجیح ایتمکده خاطره کلیر .

حالبوکه بوراده موجودیت و معدومیت قسم
سابقده اولدینی کبی مسافده دکلدر . بوکون معدومیت
محقق فقط استقبالده کی موجودیت مشکوکدر بر اغاجک
هیچ بلورمه مش اولان میوه سی بوکون قطعاً معدومدر .
بر ایکی آی صکره بو میوه موجود اوله یلیر موجود
اولورسه مال مقومده اولور لکن بو میوه لر بتمامک
احتمالی ده بولدینی کبی بتدیکی حالده کیفیت و کمیت
اعتباریله ده نه اوله جنی ده مشکوکدر . عالمده هیچ بروقت
محققه قارشو موهوم و مشکوکک رجحانی اوله میه جغندن
بونلرک بیع معدومه الحاق تردد اوانه میه جق خصوصاتندر .
بونلرک معدومیتلری اعتباریله هیچ کیمسسه تجویز
ایده میه جکی کبی مشکوک اولان موجودیتلری اعتباریله
فرض ایدیلرک بیعکده قاردن فرقی یوقدر . موجودیت
مالیه لری متحقق اولیان شهرده معاملات تجارییه
کیریشمه نك جهت اقتصادیه ده کی مضرتلری نه قدر بیوک
اولدینی قابل انکار دکلدر . ذاتاً قارک مذمومیتی ده
بونقطة نظر دندر .

محصولات حیوانیه نك قبل الادراک بیعی شریعت
اسلامیه نك ظهورندن اول ازمان جاهلییه جریان یاردی .
اووقلری طبق ماندلستام جنابلرینک ارزولری کبی
احوال حکمران اولوردی . ارباب ثروت فقرانک
احتیاجندن بالاستفاده حیوانلرینک انسانی بیله المرنندن
آلغه و آنلری دائماً اسارت اقتصادیه التده بولوندرمه
متهالک ایدیلر . اووقلر اغنیا ایله فقرانک حالی شمیدیکی

اوروپالیرله عثمانلیرک حالی ا کدیرردی . مع مافیه بر
چوق ارباب ثروت دخی بوکی معاملات آرقه سنده
محو اولوردی . مضامین وملاقیحک یعنی بابالرینک صلبنده
آنالرینک قلبنده بولان حیوانانک بیعی باطل ایدوکنه
دائر شرف وارد اولان احادیث شریفه محمدیه بو بیوعی
منع ایدلی . ارباب احتسارک مستقبله معطوف اولان
احتراصات استیلاجویانه لرینه سد چکلدی . . بناءً علیه
شریعت اسلامیه بیع معدوم حقننده پک بدیهی اولان
قواعد حقوقیه ایله بو مسائلی تنویر وتحکیم ایدلی .
ماندلستام جنابلرینک اورتهیه سوردکلری بو مسئله لر
بوکونکی ترقیات مدینه نك ایجاباتی دکل بلکه ازمان
جاهلییه نك اعاده احیا ایتک ایسته دکاری متروکاتی
بولدینیچون اعتراضات مذکورده بونقطة دن مجله یه شین
دکل شان بخش ایتسه کرکدر .

هم نه حاجت بومثللو معدومک بیعی مضرات
اقتصادیه حسیله قارله فصل مترادف ایدوکنی آکلامق
ایچون ممالک عثمانیه ده اعشار التزاماتی کو سترمک کافیدر
طن ایدرم . بوکون اعشار التزامی یوزندن مملکت مزده محو
اولان ارباب ثروتک حد و حسابی یوقدر . بونی عثمانلیر
بالتجربه یلیرلر . زوالی اهلینک بیله رک بیلمیه رک آتدقلری
بو تهالک خانه غرامتده اوغرا دقلری فلا کتار هپ
مشکوک العاقبه اولان بیع معدومک نتیجه سیدر . مملکت مزده
اعشار التزامی یالکیز حکومتک منافی نقطه نظرندن
تقیب ایدلمکده ایسه ده بو بایده حکومتک دخی کار
ایتمدیکی نظریات اقتصادیه یه واقف اولانلرک معلومدر .

والحاصل معدومک بیعی حقننده کی قواعد خصوص -
صیه من سوز کو تور میان اساسلری احتوا ایتدیکی ومجله نك
مواد مذکورده سی ایسه بونی بیان ایلدیکی جهته ماندلستام
جنابلری دخی مواد مذکورده یی نظریات حقوقیه اعتباریله
جرحه قیام ایده مامش لدر . آنجق ممالک عثمانیه ده
اوروپانک مقاولات اقتصادیه سنه براز منافی کوردکاری

ایکے نتیجہ میں ایلروپہ سور مشاورد کہ آئندہ ہر زمان
جدیدت و حقیقت کے رد ایدہ جکی شیلرڈن عبارت در .
مع مافیہ مواد مذکورہ کے بعضاری قود سیویلدہ
صراحتہ موجود در .

مابعدی وار

کوچوک حمدی



مجلس مبعوثان علمیہ انجمنہ تمدیلہ قلمہ الثانی

محاکم شرعیہ و حکام شرع قانونی لایحہ سی

اسباب موجبہ مضبطہ سی

برملتک ، بر حکومتک حق حیاتی ؛ حیات حق ایله
قائم در . حق و عدلدن انحراف ایدن جمعیتلر تاریخ
عالمده دائما ثبات و اندراسہ محکوم اوله کلمش لر در . او
کیلر ده آنی و ناکھان رونمون اولان غالبانه سطوتلر ،
متحکمانه شوکتلر برق خاطف کبی پی در پی ارتسامات
خیالیه منقلب اوله رق حقل تجلیات بقا فروزینہ
مغلوب اولمش لر در .

حق ؛ عالمده اضافات مجرد دن ، بر طاقم معانی
اعتباریہ دن عبارت اولسه یدی حکومتلرک ، متغایرلرک
کیفیات نفسانیہ لرینہ کوره واقع اوله حق فرض و تخمینلر
عین حق اولق لازم کلوب تسویلات کیفیہ سنی قانون
حق بیان حکومتلر البتہ حق حیاته مظهر اولور لر دی .
فقط حق ؛ کائناتک حقائق نفس الامریه سی میانہ داخل
بر امر محقق اولدینی جہتلہ آنک موجودیتی دخی موجودات
سائرہ کبی بر طاقم قوانین حقیقیہ و بر جوق حقائق علمیہ نک
سلسلہ تناسقہ متفرع بولن دیغندن عالمده ہر هانکی
بر قوت حق دیلدیکی کبی وضع و تبدیلہ قدرتیاب اوله مز .
تبدیل حقوق تبدیل حقائق کبی متمماتدن معدود اوله
بیایر . بوسببہ مبیدر کہ ایجاد و اعدام حقوق قضیہ سی
حکومتلرک دائرہ صلاحیت و اقتدارندن خارج اولوب ہر

حکومت مافوق سدہ کی بر قدرت تشریعیہ نک امر ونہینہ
منقہ اد اولق مجبوریتندہ در . انکیچون قوہ قانونیہ نک
تحت حکمنہ کیرمین حکومتلر حکومت مشروعه اوله مز .
ایشته بو نقطہ نظر دن ہیئت اجتماعیہ دولتک اول
امردہ ایکی رکنہ انقسام ایتدیکی کورولور . لکن قوای
قانونیہ نک حکومتلر اوزر ندہ کی حاکمیتی دخی برحق اوله
بیلیمک ایچون قوای حکومتک ماہیتدن دہا متعالی
بر حقیقتی احتوا ایتسی ایجاب ایدر . قوای قانونیہ مبانی
حقوقیہ نک وضع و ایجادینہ قادر مافوق البشر بر منبعہ
استناد ایتک و حقوق بشری تعیین امر ندہ قوای بشریہ
دکل حاکم کائنات اولان قدر تندر عرض افتقار ایتک
ضرور ایدر .

حقوق طبیعیہ نظریاتی ایشته بو حکمتدن منبعث
اولدینی کبی شرایع منزلہ اساسلری دخی بو احتیاجک
لوازمندن بولمق دولایسیلہ نظر اسلامده مبانی علم حقوق
قوانین سنہ اللہ یعنی قواعد و حکم طبیعیہ ایلہ آنک مفسری
اولان احکام منزلہ اوزرہ مؤسس اولغله انسانلرک قدرت
تشریعیہ حصہ لری حادثاتک صور ظہورینہ کوره او
مبانی دائرہ سندہ کشف و استنباط مسائلدن عبارت تلقی
اولور .

حاصلی حقل اصل و ماہیتہ دائر وضع و تبدیل
قوہ قانونیہ نک حوزہ صلاحیتہ راجع اولوب حکومتلر
یا لک زہر حق یرنی رینہ کتیرمک دیمک اولان احقاق حق
واجرای عدل ایتک وظیفہ سیلہ مکلفدر لر . بناء علیہ
حکومتلرک غایہ اصلیه سی احقاق حق قضیہ سندن عبارت در .
حکومتلر دن امید ویا اقتطاف ایدلمکدہ اولان معالی
مدنیہ ، سعادت بشریہ متعلق بر طاقم نتایج علویہ آنجق
احقاق حقوق امر مهمی اوزرہ ترتب ایدہ بیلہ جک
ثمرات نالیہ دن عبارت اولدینی جہتلہ مشروع بر حکومتک
غایہ حقیقیہ سی احقاق حق قضیہ سندن بشقہ برشی
دکلدر .